

精校
劉河間傷寒三六書

上海江左書社
印行



傷寒方

抵當湯 治傷寒日深表證乃甚畜熱下焦脉微沉不結胸發狂者小腹脹而硬小便自和者瘀血證也小便不和無血也或陽明畜熱內甚而喜忘或狂大便秘硬而反易其色黑者有畜血也無表裏證但發熱日深脉雖浮者亦可下之或已下後脉數胃熱消穀善飢數日不大便有瘀血也

桃仁 七箇 大黃 一分 水蛭 炒 蛭蟲各十箇去足炒

右剉如麻豆大分作二服水一盞者半盞絞去滓溫服未下再服

抵當丸 治傷寒有熱小腹滿小便不利者為有血也當下之不可餘藥

桃仁 八箇 大黃 一分 水蛭 炒 蛭蟲各七箇依前炒

右為末蜜和作二丸用水一小盞者一丸至六分溫服晡時血未下再服

大承氣湯 治表裏俱熱病勢更甚者陽明脉遲汗出不惡寒身重頭眩半睡半醒謂如見鬼狀劇者發則不識人循衣摸床渴而不安微喘直視陽明裏熱極甚或吐下後不解大便五六日至十餘日日晡潮熱心胃燥熱而懊憹復如瘧狀脉沉實或小便不利大便下難下易喘冒不能卧或腹滿實痛煩渴譫妄脉實數而沉裏熱燥甚腸胃沸鬱留飲不散胸腹高起痛不可忍但嘔冷液大渴反不能飲強飲不能止喘急悶者

大黃 半兩 芒硝 半兩 厚朴 半兩 去皮枳實 半兩

右剉如麻豆大水一盞半生薑三片煎至六分內硝磺煎去滓服

小承氣湯 治傷寒日深恐有燥屎腹中轉失乃可攻之不轉失者必初硬後溏未可攻之攻之則腹滿不能食飲水而噦其後發熱大便復硬若腹大滿不通或陽明多汗津液外出腸胃躁熱大便必硬而譫語脉滑吐下微煩小便數大便結或下利譫語自得病二三日脉弱無太陽證柴胡證煩心下結至四五日雖能食少少與承氣湯和之今小安



大黃 半兩 厚朴 三錢 枳實 三錢

右剉如麻豆大分作二服水一盞生薑三片煎至半盞絞汁服未利再服

調胃承氣湯 治諸發汗和解不惡寒但發熱蒸蒸然者或日深心下溫溫欲吐胸中痛大便澀腹滿鬱微煩此此時吐下者或日深裏熱譫語法當下之以銀粉巴豆燥熱大毒丸藥下之致真陰損虛邪熱轉甚因而傷於下利不止及表裏熱下之太早乘虛而入不成結胸但為熱利不止滿鞭或痛煩渴咽乾脉滑數而實諸腹滿實痛者煩渴譫妄小便赤大便鞭脉滑實緊

大黃 芒硝 甘草 各等分

右剉如麻豆大分作一半水一大盞煎至半盞絞去滓內硝煎不利再煎服

三一承氣湯 治傷寒雜病內外所傷日數遠近腹滿咽乾煩渴譫妄心下按之硬痛小便赤澀大便結澀或濕熱內甚而為滑泄熱甚喘咳悶亂驚悸狂顛目疼口瘡舌腫喉痺癰瘍陽明胃熱發斑脉沉可下者小兒熱極驚風門搖須喘昏塞并斑疹黑陷小便不通腹滿欲死或斑疹後熱不退久不作痂或作斑紋瘡癰久不已者沸熱內成疹癰堅積黃瘦痛疾久新卒暴心痛風痰酒隔腸垢積滯久壅風熱暴傷酒食煩心悶亂脉數沉實或腎水陰虛陽熱獨甚而僵仆卒中一切暴音不語失言畜熱內甚陽厥極深脉反沉細欲絕或表之沖和正氣與邪熱并之於裏則裏熱亢極陽極似陰反為寒戰脉微而絕或風熱燥甚客於下焦而大小便澀滯不通者或產婦死胎不下及兩感表裏熱甚須可下者

大黃 半兩 芒硝 半兩 厚朴 半兩 枳實 半兩 甘草 一兩

右剉如麻豆大水一盞半生薑三片煎至七分內硝煎二沸去滓溫服

十棗湯 治太陽中風下利嘔逆短氣不惡寒熱熱汗出發有時作頭痛心下痞硬引下痛兼下水腫腹脹并酒食積脹垢積滯痰癖堅積畜熱暴痛瘧氣久不已或表之正氣與邪熱并甚於裏熱極似陰反寒戰表氣入裏陽厥極深脉微而絕并風熱燥甚結於下焦大小便不通實熱腰痛及小兒熱結乳癖積熱作發驚風潮搐斑疹熱毒不能了絕者

大戟 芫花慢火炒變色仲景卿俗異語云甘遂各等

右為末水一大盞聚十枚切開者取汁半盞調半錢已實人每一錢

茵陳湯 治陽明裏熱極甚煩渴熱鬱留飲不散以致濕熱相搏而身發黃疸但頭汗出身無汗小便不利渴引水

漿身心發黃宜茵陳湯調黃利大小便

茵陳蒿 一名茵陳下五苓散大黃 半兩 大梔子 七箇色深堅實好

右剉如麻豆大 水二盞半 慢火煮至一盞絞汁溫服以和為度甚者再作當下如爛魚肚及膿血膠膝等物及

小便多出金色如見莢汁或見證將發黃此一劑分作四服調五苓散三錢凡治發黃者無越此法妙

桂苓甘露散 一名桂苓白朮散 治傷寒中暑胃風飲食中外一切所傷傳受濕熱內甚頭痛口乾吐瀉煩渴不利

小便赤澀大便急痛濕熱霍亂吐下腹滿痛悶及小兒吐瀉驚風

茯苓 去皮 兩 甘草 炙 兩 白朮 半兩 澤瀉 一兩 官桂 半兩 石膏 二兩 寒水石 二兩 滑石 四兩 猪苓 半兩

右為末每服三錢溫湯調下新水亦得生薑湯尤良小兒每服一錢同上法此藥下神金丸止瀉痢無不驗也并解內外諸邪所傷濕熱又一方也

却不用猪苓或曰

梔子蘗皮湯 治頭微汗小便利而微發黃者濕熱相搏微者宜服

黃蘗 半兩 甘草 一分 大梔子 十五箇

右剉如麻豆大 水三盞煎至一盞絞汁分次作一日溫服之

梔子湯 治懊憹煩心反傷不得眠燥熱怫鬱於內而氣不宣通胸滿痛頭微汗虛煩

大梔子 半兩 豆豉 半兩 香薷 半兩 鹽豉 少氣者加甘草一分 嘔者誤以丸藥下之

右剉如麻豆大或先以水二盞煮梔子至一盞半內豉者至半盞絞汁溫服凡加者皆用梔子先煮或吐止後

其燥熱鬱結之甚而藥頓攻之不能開通則發熱而又

大陽胸湯 治汗下之後五六日不大便舌乾而渴日晡潮熱從心至小腹脹滿而痛不可近脈沉緊滑數或但

胸結則無大段熱頭微汗出脈沉澀者水結也



大黃 三錢 芒硝 三錢 甘遂 末 三錢

右剉如麻豆大。分作二服。每服水一盞煎大黃至六分。內硝一二沸絞汁。調甘遂一字半。匕溫服。未快。勑再服。勢惡不能利。以意加服。

小陷胸湯 治小結胸。心下按之痛。脈浮而滑。無大段熱。表未罷。不可下。下之即死。小結胸宜服。

半夏 四錢 湯洗 生薑 二錢 黃連 二錢 栝樓實 大者半兩 推剉其殼子則全用不剉 生薑 切 栝樓實 不剉若剉其中子者非也

右以水三盞煮栝樓汁一盞半。內藥至一盞絞汁。兩次溫服。即效。

大陷胸丸 治發熱而下之太早。熱入因作結胸者。項亦強。如柔痙狀下之則和也。

大黃 半兩 芒硝 一分 杏仁 十二個 去皮尖雙微炒 葶藶 三錢 微炒

右大黃為末。下葶藶杵羅研杏仁硝如泥和彈子大。每服一丸。入甘遂末三字。白蜜半匙。水一盞煮至半。溫服。當一宿許乃下。未利再服。

服當一宿許乃下。未利再服。

梔子厚朴湯 治傷寒下後。心煩腹滿。坐卧不安者。

大梔子 七個 枳實 二錢 厚朴 半兩 去皮炙

右剉如麻豆大。以水一盞半煮絞汁。半盞溫服。

檳榔散 治傷寒陰病。下之太早成痞。心下痞滿而不痛。按之軟虛也。

檳榔 枳殼 等分

右為末。每服三錢。煎黃連湯調下。不計時候溫服。

大黃黃連瀉心湯 治傷寒成病痞不已。心腹亦實熱煩滿。或譫妄而脈沉。無他證者。

大黃 黃連 黃芩 各一分 又一分 法加生薑 一分 甚良

右剉如麻豆大。水二盞煎至一盞絞汁。分三次溫服。

黃連解毒湯 治傷寒雜病躁熱毒煩悶乾嘔口燥。吟呻喘滿。陽厥極深。畜熱內甚。俗妄傳為陰毒者。及汗下吐後。

寒涼諸藥不能退熱勢。兩感證同法。

黃連去蘗 黃蘗 黃芩 大梔子各半

右剉如麻豆大。每服秤半兩。水一茶盞。煎至四分。絞去滓。溫服。或腹滿嘔吐。或欲作利者。每服加半夏三錢。

厚朴二錢 茯苓二錢 去皮 用水一盞半。生薑三片。煎至半盞。絞汁。溫服。名半夏黃連解毒湯。

白虎湯

加減白虎湯 治傷風自汗。桂枝證表未解。半斑於裏。中暑自汗。脈虛弱。傷寒自汗。脈滑數。而實表裏俱熱。三陽合病。腹滿身重。口躁面垢。謔語發黃。厥逆自汗。和解兩感。解頭痛。止自汗。雖病時疫未瀉。發斑兼豆疹。瘡疹伏熱。

知母半兩 甘草一兩 粳米一合 石膏四兩

右剉如麻豆大。抄五錢。水一盞。煎至六分。去滓。溫服。無時候。日三四服。或眩欬嘔者。加半夏半兩。紅皮半兩。每服生薑三片。煎服。傷寒發汗不解。脈浮者。加蒼朮半兩。名蒼朮白虎湯。汗吐下後。煩渴口乾。脈洪大。加人參半兩。名人參白虎湯。

賈同知已效方

石膏四兩 知母一兩 甘草一兩

劉庭瑞已效方

知母半兩 石膏四兩 粳米一合

崔宣武已效方

知母一兩 石膏三兩 甘草一兩

右為末。每服三錢。水一盞。入粳米二十五粒。煎至六分。未嘗下胃熱發斑。兼豆泡如液虛瘦。加人參半兩。白朮半兩。頭痛加川芎。荊芥各三錢。咳嗽加半夏三錢。桔梗一兩。恍惚如人參三錢。茯苓半兩。

涼膈散一名連翹散 治傷寒表不解。半入於裏。下證未全。下後燥熱。怫結於內。煩心懊憹。不得眠。藏府積熱。煩渴。

頭昏唇焦。咽燥喉閉。口亦煩渴。口舌生瘡。欬唾稠粘。謔語狂妄。陽胃燥澀。便溺悶結。風熱壅滯。瘡癰發斑。驚風熱。

極黑陷將死。

連翹一兩 山梔子半兩 大黃半兩 薄荷葉半兩 黃芩半兩 甘草一兩 朴硝一分

連翹一兩 山梔子半兩 大黃半兩 薄荷葉半兩 黃芩半兩 甘草一兩 朴硝一分

右為末每服二錢水一盞蜜少許同煎至七分去滓溫服虛實加減咽喉痛涎嗽加桔梗一兩荊芥穗兩救而嘔者加半夏半兩每服生薑三片同煎血衄嘔血加當歸兩半芍藥兩半生地黃兩一淋者加滑石兩四茯苓兩一皮風眩加芍兩半石膏兩三防風兩半酒毒加葛根兩一荊芥穗兩半赤芍藥兩半川芎兩半防風兩半桔梗兩半三歲兒可服七八錢或無此藥者加防風湯藥以下凡言加者皆自本方加也以上之減退表裏熱加益元散效速之得如者直效

人參石膏湯 治傷寒咳嗽不已心煩及風熱頭痛精神不利皆憤宜服

人參一錢石膏三兩半兩 半夏二錢去滓白朮半兩茯苓半兩甘草一兩大梔子三錢知母半兩黃芩三錢

右為末每服一錢水一盞生薑三片煎至六分去滓溫服

崔宣明人參石膏湯 治傷寒頭痛心煩悶風熱并汗後餘熱自汗多清頭目定喘嗽

人參二錢石膏一兩川芎一兩黃芩二錢茯苓三錢甘草半兩防風三錢

右為細末每服五錢水一盞半煎至六分去滓溫服不計時候

雙解散 治風寒暑濕飢飽勞役內外諸邪所傷無問自汗汗後雜病但覺不快便可通解得愈小兒生瘡疹便利出快亦能氣通宣而愈

益元散七兩防風通聖散七兩

右二藥一處相和名為雙解散益元散方在痢門通聖散方在風門各七兩攪勻每服三錢水一盞半入葱白五寸鹽豉五十粒生薑三片煎至一盞溫服

白朮散 治傷寒雜病一切吐瀉吐瀉煩渴霍亂虛損氣弱保養衰老及治酒積嘔噦

白朮茯苓去皮人參各半兩甘草一兩木香一分藿香半兩葛根一兩

右為末白湯調下二錢煩渴者加滑石二兩甚者加薑汁續續飲之

四逆湯 治傷寒表熱未入裏誤以寒藥下之太早表熱不已入裏寒下利不止因表熱裏寒自利急以溫裏利止

又治少陰病脉沉下利厥逆煩渴嘔吐

甘草一錢乾薑一分附子半兩生去皮臍附子以半兩者佳小者力弱大者性惡非古方之宜也



右劉如麻豆大水二盞煎至一盞絞汁溫服或畜熱深極而手足厥冷者不宜此方當以下之
茯苓半夏湯 治傷寒雜病一切嘔吐或喘咳疼痛痞滿頭痛者

茯苓去皮一分半夏一錢生薑一分

一方加 黃芩一分甘草一分 紅皮一分 去腐一分

治風痰

右劉如麻豆大水一盞煎至四分絞勻下生薑汁溫服不計時候

黃帝素問宣明論方卷之七

積聚論

素問曰積聚留飲痞隔中滿濕積霍亂吐下瘕瘕堅硬腹滿皆太陰濕土乃脾胃之氣積聚之根也積者不散聚者不化留者不行

飲者停滯痞者不通隔者阻也中滿者濕為斯疾迺五臟六腑陰陽變化興衰之制也元則害承迺制極則反矣

謂水得燥則消散而得濕則不消乃為積飲也謂人形精神與榮衛血氣津液出入流通謂夫腠理閉密乃為痞也

謂腸胃隔絕傳化失常而乃滯也土主形體腹滿於中央乃曰中滿以傳化失度故甚則霍亂吐瀉也瘕者腹中

主硬按之應手然水體柔順而今乃堅硬如此者元則害承乃制也瘕者中雖硬而忽聚忽散無其常故其病未

及瘕也 經曰血不流而滯故血內凝而乃瘕也

小腸移熱於大腸乃為瘕瘕大腸移熱於小腸謂兩熱相搏則血溢而為伏瘕血溢不利月事沉滯結不行故行必

處瘕謂處與伏同瘕與疝同為傳寫誤也世傳冷病然瘕病亦有熱或陽氣鬱結拂熱壅滯而堅硬不消者世傳

為寒瘕瘕也或堅痞腹滿急痛寒主筋縮故急主痛寒極血凝泣而反兼土化制之故堅痞之腹滿或熱鬱於內而腹滿堅

結痛不可忍者皆可為寒誤矣誤矣

何不以脉證辨之凡諸疾病皆有陰陽寒熱宜推詳之五臟六腑四季皆有積聚心之積名曰伏梁在於膈上大如

臂上至於心橫於心下如屋梁故曰伏梁肝之積名曰貫結氣在左脇下覆如杯有頭足久不愈令人痰癰脾之

積名曰痞氣在胃脘覆大如杯久不愈令人四肢不收發黃瘕食不為膚肌肺之積名曰息賁結在右脇下覆大

如臂上至於心橫於心下如屋梁故曰伏梁肝之積名曰貫結氣在左脇下覆如杯有頭足久不愈令人痰癰脾之



如杯久不愈令人灑淅寒熱喘咳發為肺癰腎之積名曰責音狹在於小腹上至心下如狹責走往來無定久不愈令人喘逆發為骨痿少氣之力此為五藏之積也常究斯義未可悉也

傳其所勝者死傳不勝者可治假令肺病傳肝肝病傳脾脾病傳腎腎病傳心心病傳肺皆傳所勝五藏之氣盛而內外諸邪所侵故留積不行遂成積聚其脈沉細而微者是也

木香三稜丸 治一切氣悶胸膈痞滿滯衛不和口吐酸水嘔逆惡心飲食不化肋脇疼痛無問久新

青木香

破故紙

茴香

黑牽牛

甘遂

羌花

大戟

荆三稜

蓬莪朮

川練子

葫蘆巴

芭戟

已上各

芭豆

油二分

陳米

三合將芭豆

縮砂仁

一兩

一處同炒黑

縮砂仁

半

右件一十五味用好醋二升除縮砂木香餘藥入醋中浸一宿入鍋煮盡為度乾為細末醋麪糊和丸如菜豆

大每服五七丸食後加減看虛實隨湯水下

導氣枳殼丸

治氣結不散心胸痞痛逆氣上攻分氣逐風功不可述

枳殼

去穢炒

木通

剉炒

青皮

去皮

陳皮

去白

桑白皮

剉炒

羅蔔子

剉炒

白牽牛

炒

黑牽牛

炒

荊三稜

等分

右為末生薑汁打麪糊為丸如桐子大每服二十丸煎橘皮湯下不計時候

透膈寬腸散

治腸上壅實膈熱難行者

白牽牛

一兩

芒硝

三兩

川大黃

二兩

甘遂

半兩

右為細末食後溫蜜水調下一錢虛實加減疎動止

密補固真丸

治脾腎真元損虛泄痢疾嗽噦痞水穀酸臭飲食無味臍腹疼痛肢體麻痺下虛疾厥上實壅滯腎

虛耳鳴脾虛困憊耳焦齒槁面黃身悴目黃口燥髮墮爪退風虛偏枯中滿膈氣一切脾胃虛證常服補養宣通

氣血

天南星

半兩

半夏

製

神麪

麥蘖

茴香

炒

荊三稜

炮各

白附子

乾生薑

川烏頭

生各

芭豆

七個

牽牛

三兩

代赭石

二兩

官桂

一分

右為末水和丸小豆大每服十丸加至五十丸溫水下除泄瀉外並加大黃一兩

木香丸 治和脾胃寬胃膈消痰逆止嘔吐進益美飲食

官桂 乾薑各半 木香一分 大黃 蓬莪朮 芫花諸神濕炒乾 枳殼去穢 陳皮各半 半夏二兩 牽牛半斤取黃

炒一兩 芭豆四箇

右為末滴水為丸如小豆大每服二十丸溫水下

軟金丸 治心胸腰腹急痛或淋瀝生瘡後經病血刺痛

當歸半兩 乾漆二錢 紅花一錢半用河水煎 輕粉 硃砂 粉霜各一錢 三稜二錢

右同研勻囊肉為膏和丸菴豆大新水下一丸病甚者加得利後減

泥金丸 治心腹急痛取新久沉垢積滯推陳致新

黃蘗 大黃 芭豆 五靈脂各半 猪牙皂角一分 輕粉 粉霜 硃砂各一錢 乾漆

右研勻煉蜜拌得所杵千下丸菴豆大新水下一丸未利更加服

狀元丸 治膈氣酒膈酒積涎嗽腹痛吐逆痞滿

芭豆五十各 神麴半兩 半夏一兩 雄黃 白麴炒一兩

右研勻酒水丸小豆大細米糠炒變赤色食後溫酒灌汁下止嘔吐生薑湯下

玄胡丸 治積聚癥瘕解中外諸邪所傷

玄胡索 青皮去白 陳皮去白 當歸 木香 雄黃別研 荆三稜 生薑各一兩

右為末酒麴糊為丸如小豆大每服五七丸生薑湯下

又一方 無陳皮 生薑 有黃芪一兩 檳榔分兩

大延胡索散 治婦人經病產後腹痛腹滿喘悶癥瘕癖塊及一切心腹暴痛

延胡索 當歸 芍藥 京三稜 川芎 蓬莪朮 官桂 厚朴 木香 川芎各一分 桔梗 黃芩 大

黃各半 甘草一兩 檳榔二錢



南京中醫藥大學圖書館藏

右為麤末每服三錢水一盞煎至六分去滓溫服食前如惡物過多去大黃官桂加黃藥子染槐子龍骨各半兩如前法煎服平人心急痛加本方得利尤良後常服

三稜湯 治癥瘕痞癰積聚不散堅滿痞膈食不下腹脹

荆三稜 二兩 白朮一兩 蓬莪朮半兩 當歸半兩 煨檳榔 木香 三錢

右為末每服三錢沸湯點服食後每日三服

消飲丸 治一切積聚痞癰氣塊及大小便秘結胸痛不可仰

天南星 半夏 芫花 自然銅 等分 生用

右為末醋煮麪糊為丸如桐子大每服五七丸食前溫水下良久葱粥投之相虛實加減

除濕丹 治諸濕客搏腰膝重痛足脛浮腫筋脉緊急津液凝澁便溺不利赤癰疹疽癰發背疥癬走注脚氣無首尾瘡癰功效不可盡述

檳榔 甘遂 葶靈仙 赤芍藥 澤瀉 苧蒞 二兩 上各 乳香 沒藥 一兩 別研黑牽牛 半兩 大戟 二兩 陳皮 四兩

右為末麪糊為丸如桐子大每服五十丸至七八十丸溫水下後食如服藥前後忌酒一日藥後忌濕麪食溫粥補暖

保安丸 治癥積心腹內結如拳漸上不止搶心疼痛及遠臍腹痛不可忍

川大黃 三兩 新水浸一宿 乾薑 一兩 大附子 半兩 去 鱗甲 一兩 半 好醋一升 熬熟切片子焙 伏時炙令燥乾炒

右為末取三年米醋一大升先煎四五合然後和藥丸如桐子大每服十丸至二十丸空心醋或酒米飲下後取積如魚腸膿血爛肉汁青泥當下

開結妙功丸 治佛熱內盛癥瘕積聚癥瘕積聚疼痛脹悶作發有時三焦壅滯二腸閉結胸悶煩心不得眠

咳喘噦逆不能食或風濕氣兩腿為腫脹黃瘦眼澁昏暗一切所傷心腹暴熱肝腎燥鬱偏正頭疼筋脈拘攣肢體麻痺走注疼痛頭目昏眩中風偏枯邪氣上逆上實下虛脚膝麻木不通氣血

荆三稜 茴香 各一兩 炒 川烏頭 四兩 神麪 麥芽 大黃 各一兩 好醋半升 熬成稠膏 乾薑 二錢 巴豆 二箇 破堅

此為試讀，需要完整PDF請訪問：www.ertongbook.com



半夏半兩 桂二錢 牽牛三兩

右為末膏丸小豆大生薑湯下十九十五丸溫水冷水亦得或心胃間稍覺藥力緩注却減丸數以加至快利三五行以意消息病去為度

木香分氣丸 治積滯癰塊不消心腹痞結疼痛槍刺如覆杯狀

陳皮去白 檳榔各一兩 破故紙炒二兩 木香半兩 黑牽牛十二兩 炒香熟取末五兩半餘不用

右為末滴水為丸如桐子大每服二三十九生薑湯下食後臨卧服

開胃生薑丸 治中焦不和胃口氣塞水穀不化噫氣不通噎塞痞滿口淡吞酸食時膨脹噦逆惡心嘔吐痰水宿食不消咳嗽儲助刺痛寬中開胃進飲食

桂心一兩 生薑一斤切作片子鹽三兩 青皮去白 陳皮去白 甘草炙各二兩 縮砂仁四十兩 廣茂當歸各半

右為末煉蜜為丸如彈子大每服一丸食前細嚼沸湯化下

導滯定功丸 治一切心腹卒暴疼痛及胸中不利消食止逆定疼痛

大椒木香各一錢 蜀椒三錢 芭豆八個出油為度

右為末後入巴豆霜研勻醋麪糊和丸如菜豆大朱砂為衣每服五丸至十九丸淡醋湯下

積氣丹 治一切新久沉積氣塊面黃黑瘦諸氣無力癰瘕積聚百吐酸水

檳榔去節 芫花一兩 礞砂二錢 芭豆半生 青皮去白 陳皮各三錢 蓬莪茂 雞爪黃連 京三稜 章柳根 牛膝各一兩 肉豆蔻三箇 大戟 川大黃 甘遂 白牽牛 乾薑 青礞石 乾漆各半 木香半錢 石菖蒲三錢

右為末醋麪糊和丸如桐子大每服一丸臨卧燒棗湯下每夜丸服後有肚內作聲病退為度

金露紫苑丸 治一切脾積兩肋虛脹臍疼痛

草烏頭去皮 黃連半兩 官桂 桔梗 乾地黄 乾生薑 川椒 蕪荑 紫苑去皮 柴胡 防風 厚朴

甘草 人參 川芎 鱉甲酒浸 貝母 枳殼 甘遂各一兩 芭豆半生 出油入礞砂三生

右為末水煮麪糊為丸如桐子大每服五丸空心臨卧米飲湯下或微疎動詳虛實加減

右為末水煮麪糊為丸如桐子大每服五丸空心臨卧米飲湯下或微疎動詳虛實加減



信香十方青金膏 灌頂法王子所傳十二上願云藥師瑠璃光如來應當供養正偏知明行足善游世間解無上

土調御大夫天人師

佛世尊方境投治周身中外陰陽不調氣血壅滯變生百病乃至虛羸困倦偏攻酒食內傷心腹滿塞急痛或酒積食積癥瘕積聚聚癰癰堅積中滿膈氣食臭酸醋嘔吐翻胃或膈癰消中善食而瘦或消渴多飲而數頻也小便利或腸風下血痔瘻冷痛或胃癰疹或偏身癰疽惡瘡或瘡毒已入於裏腹滿嘔吐或成瀉痢或由惡瘡瘡肉或下痢腹痛或一切風氣肢體疼痛及中風偏枯或痰逆生風痰涎嗽兼產後腹痛及小兒疳疾諸風潮搐但平日常服補養宜行榮衛調飲食

信砒 乳香 輕粉 粉霜 芭豆 以上各一兩同研 龍腦 半字 麝香 半字 青黛 二錢同研 黃蠟 三錢

右研細末鎔蠟入蜜半錢就搓勻旋丸菜豆至小豆大先服小丸病在上食後在下食前在中不計時候西東頂禮一丸淨器盛水送下如合藥即淨處面東每一丸念密呪三遍或病人不能呪請人呪

或師氏呪過 呪曰

信香十方青金膏 藥師圓成蜜遍拋 普濟有緣除百病 仰吞一粒體堅牢

密呪曰

但言八金剛 莫說十方佛 五蘊六根俱不道 十二上願自然成

金黃丸 治酒積食積諸積面黃疽積硬塊

荆三稜 香判子 半兩 澤瀉 二錢 芭豆 四十九粒出油 黍米粉 牽牛 二錢半

右為末用梔子煎湯和丸如菰豆大每服三九至五九如心痛又醋湯下七丸

逆氣丸 治心胸滿悶脇肋刺痛不思飲食常服寬胸進美飲食

薑黃 四兩 香附子 四兩 縮砂 甘草 廣茂各二兩 丁香 甘松 木香 荆三稜 各一兩 白檀 半兩 藿香葉 半兩

右為末入菜豆粉二兩用湯浸蒸餅為丸如桐子大每服三十九粒細嚼白湯下食後日進三服

丁香散 治瘰癧氣脇下痞滿息而不消積而不散元氣在胃不妨食者

好丁香

五箇

白丁香

七箇

蜜陀僧

舶上

硫黃

黃鶯調

各五

右為細末每服一字。兒子煎湯調下。不計時候。治肚内生硬物。黑瘦如柴。嘔吐積滯。日三服。食後。

聖餅子

治一切沉積。氣脹兩脇。氣滿無悶。久新者。

大黃

三兩

黑牽牛頭末

一兩

硃砂

三錢

山梔子

半兩

輕粉

二錢

右為末。煉蜜和丸。捻作餅子。如小錢大。厚棧食後。每服三餅。細嚼溫酒下。臨卧如行粥補之。虛實加減。

無憂散

一名萬病散

治風痰瘡腫疥癬。或臟腑積冷。壅滯氣結。風勞膀胱宿冷。臟腑虛衰。面色痿黃。內有癥瘕氣。並常看。

疳蟲疣蟲。攻心腹俱痛。忍中傷寒頭痛。不忍狀若山嵐時氣。瘟疫之疾。並宜急服。此藥宣通三五行。立瘥。或中風。

口喎語多。塞睡後口中。涎出不。限時節。不問男子女人。但五日一服。不過三服。永瘥。人患腰膝疼痛。脚氣腫滿。

運動艱難。飲食無味。并小兒瘳癇。胎疰者。量大小與服。和三五行。自瘥。大人久泄氣痢。狀若休息痢。症有時瘥。一。

服取下。冷脹一二升。當日見效。藥無四時。冷熱。老幼。本弱病患。悉皆除之。任服他藥。無妨。若常服時。蓋緣搜出臟。

腑中積滯蟲膿故也。無孕婦人。久患血虛氣弱。痿黃無力者。亦可依方服。宣通氣候。殊不困倦。無妨。此藥。凡有百。

病。並皆治之。其功不可具載。有孕婦人。或遇陰晦時。即不可服。天道晴明。可進。雖若復疾。而未愈者。可再服。

黃耆

水通

桑白皮

陳皮

各一兩

胡椒

白朮

木香

各半兩

白牽牛

四兩

炒別

右七味為細末。每服二錢。牽牛末二錢。生薑二錢。切作片子。煎生薑湯一大盞。調藥須臾。又用生薑湯。或溫湯。

送下。平明可行三五次。快利無妨。如病瘥後。以白粥補之。痊矣。

五積丹

治心腹痞滿嘔吐不止。破積聚者。

皂莢一銖

一尺二寸

火燒存性

淨盆合

色豆

十二箇

白粉

一兩

錢同炒

令黃色

為度

右為末。醋麪糊為丸。菜豆大。每服十丸。鹽湯下。食後加減。

黃帝素問宣明論方卷之八

水濕門

夫諸濕者。濕為土氣。火熱能土濕也。故夏熱則萬物濕潤。秋涼則濕物燥乾也。濕病本不自生。因生於大熱。怫鬱水。

液不能宣通。即停滯而生水濕也。凡病濕者。多自熱生。而熱氣尚多。以為兼證云。濕熱亦猶風熱義同。雖病水寒不能宣行。亦能為濕。雖有此異。亦以鮮矣。或跗腫體寒。而有水者。以畜熱入裏極深。非病寒也。

三花神祐丸 治中滿腹脹喘嗽淋瀝。一切水濕腫滿。濕熱腸垢。沉積變生疾病。久病不已。黃瘦困倦。氣血壅滯。不得宣通。或風熱燥鬱。肢體麻痺。走注疼痛。風痰涎嗽。頭目旋運。瘧疾不已。癰疽積聚。堅滿痞悶。酒積食積。一切痰飲。嘔逆及婦人經病不快。帶下淋瀝。無問赤白。并男子婦人傷寒濕熱。腹滿實痛。久新瘦弱。俗不能辨別。或凡常只為轉動之藥。兼瀉久新腰痛。并一切下痢。及小兒驚疳積熱。乳癖滿並宜服之。

甘遂 大戟 芫花 醋拌濕炒 各半錢 牽牛 二兩 大黃一兩 為輕粉一錢

右為末。滴水為丸。如小豆大。初服五丸。每服加五丸。溫水下。每日三服。加至快利。利後却常服。病去為度。設病愈後。老弱虛人。平人常服保養。宜通氣血。消進酒食。病癖悶極甚者。便多服。則頓攻不開。轉加痛悶。則初服兩丸。每服加兩丸。至快利為度。以意消息。小兒丸如麻子大。隨強弱增損。三四歲者三五丸。依前法。

崔宣武神祐丸

加黃柏一兩 牽牛四兩 大黃二兩 輕粉二錢 甘遂 大戟 芫花 各一分 依前法

劉庭瑞神祐丸 用此藥治水氣當得効。賈同知稱之不已。乃神仙奇絕之藥也。

葶薈木香散 治濕熱內外甚。水腫腹脹。小便赤澀。大便滑洩。

葶薈 茯苓 去皮 猪苓 去皮 白朮 各一木香 半錢 澤瀉 木通 甘草 各半 辣桂 一分 滑石 三兩

右為末。每服三錢。白湯調下。食前。此藥下水濕。消腫脹。止洩瀉。利小便。若小便不得通利。而反轉泄者。此乃濕熱痞悶。極熱而攻之不開。是能反為注泄。此正氣已衰。而多難救也。慎不可攻之。而無益耳。

白朮木香散 治喘嗽腫滿。欲變成水病者。不能臥。不敢食。小便悶者。

白朮 木猪苓 去皮 赤茯苓 甘草 澤瀉 各半 木香 檳榔 三錢 陳皮 二兩 官桂 二錢 滑石 三兩

右為末。每服五錢。水一盞。生薑三片。同煎至六分。食後去滓溫服。

大橘皮湯 治濕熱內甚。心腹脹滿。水腫小便不利。大便滑洩。

橘皮一兩 木香一分 滑石六兩 檳榔三錢 茯苓一兩 木猪苓去皮 澤瀉去皮 白朮各半 甘草二錢

右為末每服五錢水一盞生薑五片煎至六分去滓溫服大小便秘先服十藥湯

葶藶膏 治水腫腹脹

牛黃 麝香 龍腦各一分 昆布 海藻上同 牽牛十分洗 桂心各八分 椒目三分 葶藶六分

右為末別搗葶藶熬成膏丸如桐子大每服十九日再服稍利小便為度詳虛實加減

茯苓散 治諸般氣腫等疾

芫花醋拌 澤瀉 郁李仁 甜葶藶 漢防已各二錢 陳皮去白 檳榔 瞿麥各半 藜蘆二錢 滑石三分 大戟三分

右為細末每服一錢取桑白皮濃煎湯空心調下取下碧淥水如爛羊脂即瘥如未盡隔日又服腫消如故不用服忌鹽百日

調胃散 治胸膈痞悶不思飲食脇肋硬痛消腹脹

半夏製 甘草炙 厚朴去皮 陳皮去白 藿香各等分

右為末每服一錢生薑三片棗二枚水一盞同煎溫服食前

一氣散 治水氣蠱脹滿

白牽牛 黑牽牛各二錢

右為末用大麥蘖四兩同一處為燒餅臨卧用茶湯一杯下降氣為驗

雄黃神金散

雄黃 葶藶一兩 糯米一兩 澤瀉二兩 椒目半兩 大戟去心 芭戟去心 茯苓去黑皮 芫花醋五升浸一日沙 甘遂 桑白皮

右為末從發時加減一分空心用井花水調下每調一錢加至五錢以利為度忌鹽醋生冷毒物油膩血

從腳腫根在心加葶藶 從肚腫根在腹加椒目 從陰腫根在胸加澤瀉 從膝腫根在肝加芫花 從面腫根

在肺加桑白 從心腫根在肋加雄黃 從肢腫根在脾加甘遂 從口腫根在小腸加巴戟 從腰腫根在腎加

在肺加桑白 從心腫根在肋加雄黃 從肢腫根在脾加甘遂 從口腫根在小腸加巴戟 從腰腫根在腎加

在肺加桑白 從心腫根在肋加雄黃 從肢腫根在脾加甘遂 從口腫根在小腸加巴戟 從腰腫根在腎加

大戟 從四肢腫根在肋加茯苓

萬勝散 治十種水氣不可愈者

海帶 海藻 海蛤 芫花醋浸 甘遂 大戟 甜葶藶 樟柳根 續隨子 芫戟各等分 去心

右為末每服三錢至五錢溫酒調下臨卧問其再服

牽牛丸 治一切濕熱腫滿等疾

黑牽牛 黃芩 大黃 大椒 滑石各等

右為細末酒煮麴糊和丸如桐子大每服五丸至七丸生薑湯下食後虛實加減

梔子藥皮湯 治頭微汗小便利而微發黃者濕熱相搏微者宜服

大梔子十五箇 黃蘗半兩 甘草一分

右剉如麻豆大水三盞煮至一盞緩汁分三次作一日服溫喫不計時候

大戟丸 治十腫水氣腫脹喘滿熱寒咳嗽心胸痛悶背項拘急膀胱緊腫於小腹小便不通反轉大便澀泄不能

坐卧

大戟 芫花醋炒 甘遂 海帶 海藻 郁李仁 續隨子各半兩 樟柳根一兩已上八味為末每料炒 硃砂

輕粉各一錢 粉霜各一錢 水銀砂子一皂龍腦半錢 芫豆二十一箇 主用去皮

右八味已下同研勻用棗肉為丸如棗豆大每服五丸至七丸龍腦臘茶送下食後臨卧虛實加減

粉霜丸 治病水鼓滿不食四肢浮腫大小便閉不進飲食

粉霜 硃砂 海蛤 寒水石燒粉 玄精石 白丁香 頭白麵各一錢 輕粉三錢 海金沙一錢

右研勻着紙裹數重上便麵裏又紙裹冷酒煎了桑柴火燒麵熟為度宿証餅和丸如柏子大每服三丸生薑

湯下一日三服二日加一丸至六日不加即止以補之妙

苦葶藶丸 治一切水濕氣通身腫滿不可當者

人參二兩 苦葶藶四兩於鍋內紙上炒黃色為度